

P. 73, L. -6【普超經】《妙法蓮華經文句》卷 2〈序品〉：「《普超經》云：「阿闍世從文殊懺悔，得柔順忍，命終入賓吒羅地獄，即入、即出，生上方佛土得無生忍，彌勒出時，復來此界，名不動菩薩，後當作佛，號淨界如來。」其迹既爾，本豈可量？說《法華》時，預清淨眾，至《涅槃》時，引逆罪者，何異迦葉於《法華》受記，於《涅槃》不堪付囑？不可迷迹而惑其本也。」(T34,p.25,c28-p.26,a5)《文殊師利普超三昧經》卷 3〈心本淨品 11〉：「舍利弗又白佛言：『王阿闍世當復往歸於惡趣乎？』答曰：『如忉利天子在於七寶重閣交露下閻浮提，尋還本處。如是舍利弗！王阿闍世所入地獄名賓陀羅(晉曰：集欲)。適入尋出，其身不遭苦惱之患。』」…「王阿闍世從集欲輕地獄出，生於上方去是五百佛國，其世界曰莊嚴，其佛號寶英如來」…「彌勒菩薩成正覺時，當復來下，還斯忍界，號曰不動菩薩大士」…「過於八千不可計劫，當得無上正真之道為最正覺。劫名喜見，世界曰無造陰，佛號淨界如來。」(T15,p.425,c2-p.426,a7-9)《阿闍世王問五逆經》卷 1：「世尊說王，作是言：『摩竭國王，雖殺父王，彼作惡命終已，當生地獄如拍毬。從彼命終，當生四天王宮。從彼命終，當生三十三天。從彼命終，當生炎天、兜術天、化自在天、他化自在天。從彼命終，復當生化自在天、兜術天、炎天、三十三天、四天王宮，復當生此間受人形。如是大王，二十劫中，不趣三惡道，流轉人間，最後受人身，當剃除鬚髮，著三法衣，以信堅固，出家學道，成辟支佛，名曰無穢。』所以然者，如是大王，當得是無根之信。」(T14,p.776,b26-c7)

P. 73, L. -5【涅槃經中追敘先事】《法華文句記》卷 2〈釋序品〉：「普超經者，第三〈決疑品〉云：佛因為闍王，破計定有殺父之罪，廣說三世三心叵得，令住法界。闍王聞已得柔順忍。」「說法華時」者，據得柔順在法華前故，在法華為清淨眾；「至涅槃時」，身瘡始發，悔得初果，故知為引逆罪者耳。此乃全作大權釋，故引迦葉為例。」(T34,p.188,a8-14)《文殊師利普超三昧經》卷 3〈決疑品 10〉：「說是語時，王阿闍世得柔順法忍…」(T15,p.422,b7-8)《大般涅槃經》卷 20〈梵行品 8〉云阿闍世王得「無根信」(T12,p.484,c10-12)《增壹阿含經》卷 3〈清信士品 6〉：「得無根善信，起歡喜心，所謂王阿闍世是。」(T02,p.560,a7-8)《普超經》有上中下三卷，〈決疑品 10〉、〈心本淨品 11〉皆在卷下，故云普超經第三。又，阿闍世即位之年代，據善見律毘婆沙卷二載，王於佛陀入滅前八年即位，執政三十二年。因弑父之罪而遍體生瘡，至佛前懺悔即平癒，遂

皈依佛陀。佛陀滅度後，為佛教教團之大護法。摩訶迦葉於七葉窟結集經典時，阿闍世王為大檀越，供給一切之資具；分得佛陀遺骨八分之一，起塔供養。

P. 73, L. -2【無量義經列四輪王】《無量義經》卷 1〈德行品 1〉：「大轉輪王、小轉輪王，金輪、銀輪、諸轉輪王，國王、王子、國臣、國民、國士、國女、國大長者，各與眷屬百千萬數而自圍遶，來詣佛所…」(T09,p.384,a29-b2)

P. 74, L. 1【不列】窺基《妙法蓮華經玄贊》卷 1〈序品〉：「此中有六門異：一三乘無獨覺，獨覺多分出無佛世，教雖被彼，時無果成，故不在會，《仁王經》中即具有之，下文亦陳有求彼者。二三界無無色界，光照有緣，可來聞法，彼界光所不及、機亦不熟，所以不來，《仁王》亦有。三五趣無地獄，光雖照彼，無緣不來。來有二義：一光照，二有緣。地獄光臨，無緣不至；無色並闕(俗「闕」)，所以不來。一乘進習，必假容豫之身，地獄苦逼，無暇可習。《陀羅尼經》，本息眾苦，威力所致，地獄亦來。此經進善，彼無容暇，故彼不來。所以光照者，令見生厭故，令彼見光，發心苦息故。四四眾無優婆塞優婆夷，下威儀成就中具列，初文略故。五八部無夜叉及摩睺羅伽，下亦具有。六二王無轉輪聖王，唯有小王，下亦具有。此後三無，下明所依威儀成就中(p. 83)，一切具列。」(T34,p.666,b28-c15)

P. 74, L. 8~【戒乘緩急】分四句料簡。第一「戒乘俱急」如下

| | | | | |
|--------|--------------|-------------|--------------|-------------|
| 下品戒-人 | 小乘 見佛聞三藏教 | 中乘 見佛聞通教 | 上乘 見佛聞大乘教 | 上乘 見佛聞圓教 |
| 中品戒-欲天 | 小乘 見佛聞三藏教 | 中乘 見佛聞通教 | 上乘 見佛聞大乘教 | 上乘 見佛聞圓教 |
| 上品戒上二天 | 小乘 見佛聞三藏教 | 中乘 見佛聞通教 | 上乘 見佛聞大乘教 | 上乘 見佛聞圓教 |

第二「戒緩乘急」，正報墮在三塗，乘急者，類似上表。

第三「戒急乘緩」，正報在人天，乘緩故，不見佛、不聞法。

第三「戒乘俱緩」，三塗報，不見佛、不聞法。

P. 75, L. 4【淨名疏七義】湛然《維摩經略疏》卷 2〈佛國品 1〉：「一值佛不同·二信法根性·三大小根性·四頓漸根性·五應迹同凡·六觀心·七化他。

一、戒乘緩急值佛不同者，正釋前四句：一、戒乘俱急。戒急受人天報，乘急見佛得道，即此經天人來會是也。二、戒緩乘急。戒緩生三惡趣，乘急值佛得

道，今龍神等皆來聽法者是也。……三、**戒急乘緩**。戒急得人天身，乘緩不得值佛，設得值佛亦不聞經入道。如舍衛國，三億不見佛、三億見而不聞；又上界諸天著樂不來聽法，皆是其事。周時佛興，星隕如雨，而此土不見不聞，亦其義也。四、**戒乘俱緩**。戒緩墮三途，乘緩不見佛，流轉生死未有邊際。二兩行不同者，即信法也。一信行者，**聞慧**薰習所成。悉是過去多聞受持讀誦聽法之人。二法行者，**修慧**薰習所成。即是過去禪觀之人。**二行各具戒乘四句**。類前思之。…三大小不同者，還約信、法各有大小。…四頓漸根性有二。一頓大、二漸大。頓大有二：一信、二法。初大乘信行頓根性者，**久遠聞大**，**受持讀誦解說書寫**，若乘戒俱急即生人天，以釋梵身值舍那七處九會，譬如日出先照高山；若戒緩乘急墮三惡道，以龍鬼修羅風雨等神見於舍那聞法入道；若戒急乘緩，雖在善道不聞頓說；若乘戒俱緩，墮三惡道不見不聞。次明大乘法行頓根性人，**過去學大乘修一心三觀**，戒乘緩急四句，類信行可知，但利鈍少異。……五菩薩應迹者。為接有緣見佛聞法住二十五三昧。應二十五有受四惡趣身。…六約觀心。……七化他者。若觀行講說，當自省心行。用此四意分別得失。即見所化之者行業不同。未來昇沈宛然可識。當以此意而化導之。」(T38,p.580,c21- p.581,c11)

P. 76, L. 6+7【**敘人一、理一、行一、教一**】《妙法蓮華經文句》卷 2〈序品〉：「今明五序，序正中四一，」(T34,p.26,c2-3)《法華文句記》卷 2〈釋序品〉：「今明下。於四悉中直對四一者，表四一當同，故知一家始末得旨。**人一是世界**，多人和合，至今同故；**理一是第一義**，此名最順六瑞，一一無不表中；**行一是為人**，修行之來，為生物善，構疑興念，令眾行成；**教一是對治**，由答問故，疑除教興，問答即是除疑教也。……由是聞法表**一乘人**，人由現瑞表**一乘理**，為顯斯理，生疑問答，**教行**斯在，人理宛然。」(T34,p.189,a2-18)

(一)理一，理即中道一實相之理也。故經云：是法非思量分別之所能解，唯有諸佛乃能知之。又云：諸佛唯以一大事因緣故，出現於世，為令眾生開示悟入佛之知見，佛之知見，即理一也。(二)行一，行即所修一乘之妙行也。故經云：正直捨方便，但說無上道。又云：諸有所作，常為一事，事即是行，故名行一也。(三)人一，人即所化之眾生也。佛出世之意，但為教化菩薩，成就佛道。三乘之人，同是菩薩之人，故名人一也。(四)教一，教謂圓頓妙教，即一佛乘也。如來於前四時，隨順機緣，不得已而權說諸乘。至于法華，開顯權即是實。故經云：十方佛土中，唯有一乘法，無二亦無三，故名教一也。～《三藏法數》